

corpo, establecendo, entre eles, o de ter una estatura mínima que se determina en función do sexo do aspirante.

Tal requisito ten a súa xustificación na especialidade e nas peculiaridades das funcións que a Lei orgánica 2/1986, do 13 de marzo, de forzas e corpos de seguridade, lles encomenda aos funcionarios do Corpo Nacional de Policía, que implican, entre outros, o uso institucionalizado da coacción xurídica.

A aplicación práctica do indicado regulamento, durante os anos que transcorreron desde a súa entrada en vigor puxo de manifesto que a estatura mínima exixida á muller impediu o ingreso do colectivo feminino no Corpo Nacional de Policía nunhas condicións de igualdade con respecto ao colectivo masculino, ao existir una clara desproporción entre a estatura mínima exixida á muller, que está por riba da estatura media nacional feminina, con respecto á exixida ao home, que está por debaixo da estatura media nacional masculina, coas consecuentes consecuencias discriminatorias para a muller nese ámbito.

Para lle dar unha solución a esta circunstancia, que impediu unha integración no Corpo Nacional de Policía en igualdade de condicións para o colectivo feminino, e en consonancia cos principios que inspiran o acordo aprobado polo Consello de Ministros o 4 de marzo de 2005, polo que se aproba o Plan para a igualdade de xénero na Administración xeral do Estado, procédese a reducir a estatura exixida á muller para o seu ingreso no indicado instituto policial.

Sobre este real decreto emitiu informe o Consello de Policía de conformidade co disposto na Lei orgánica 2/1986, do 13 de marzo, de forzas e corpos de seguridade.

Na súa virtude, por proposta do ministro do Interior, coa aprobación previa do ministro de Administracións Públicas, de acordo co Consello de Estado, logo de deliberación do Consello de Ministros, na súa reunión do día 3 de marzo de 2006,

DISPÓNDO:

Artigo único. *Modificación do Regulamento de procesos selectivos e de formación no Corpo Nacional de Policía, aprobado polo Real decreto 614/1995, do 21 de abril.*

O Regulamento de procesos selectivos e de formación no Corpo Nacional de Policía, aprobado polo Real decreto 614/1995, do 21 de abril, queda modificado como segue:

A alínea c) do artigo 7 queda redactada do seguinte modo:

«c) Ter una estatura mínima de 1,70 metros os homes e 1,60 metros as mulleres.»

Disposición transitoria única. *Aplicación aos procesos selectivos en curso.*

As previsións contidas neste real decreto serán de aplicación a aqueles procesos selectivos de ingreso convocados con anterioridade á entrada en vigor desta norma, en que non finalizase o prazo de presentación de solicitudes.

Disposición derradeira única. *Entrada en vigor.*

Este real decreto entrará en vigor o día seguinte ao da súa publicación no *Boletín Oficial del Estado*.

Dado en Madrid o 3 de marzo de 2006.

JUAN CARLOS R.

O ministro do Interior,
JOSÉ ANTONIO ALONSO SUÁREZ

MINISTERIO DE AGRICULTURA, PESCA E ALIMENTACIÓN

4015 *CORRECCIÓN de erros do Real decreto 1617/2005, do 30 de decembro, polo que se regula a concesión de dereitos aos agricultores dentro do réxime de pagamento único. («BOE» 57, do 7-3-2006.)*

Advertidos erros no Real decreto 1617/2005, do 30 de decembro, polo que se regula a concesión de dereitos aos agricultores dentro do réxime de pagamento único, publicado no *Boletín Oficial del Estado*, suplemento número 1 en lingua galega, do 2 de xaneiro de 2006, procédese a efectuar as oportunas rectificacións:

Na páxina 197, primeira columna, artigo 5.1., onde di: «. nos artigos 37, 40, 42, 53 e 62.»; debe dicir: «. nos artigos 37, 40, 42, 53, 62, 64 e 65.».

Na páxina 197, segunda columna, artigo 6.3., onde di: «O ano 2006.»; debe dicir: «No ano 2006.».

Na páxina 198, segunda columna, artigo 9.1.c), terceira liña, onde di: «tendo solicitado a axuda», debe dicir: «tendo solicitado ou non a axuda».

MINISTERIO DE ADMINISTRACIÓNS PÚBLICAS

4118 *CORRECCIÓN de erros da Orde APU/293/2006, do 31 de xaneiro, de desenvolvemento e aplicación do Real decreto 835/2003, do 27 de xuño, polo que se regula a cooperación económica do Estado aos investimentos das entidades locais. («BOE» 57, do 8-3-2006.)*

Advertidos erros na Orde APU/293/2006, do 31 de xaneiro, de desenvolvemento e aplicación do Real decreto 835/2003, do 27 de xuño, polo que se regula a cooperación económica do Estado aos investimentos das entidades locais, publicada no «Boletín Oficial del Estado», suplemento número 3 en lingua galega, do 1 de marzo de 2006, procédese a efectuar as oportunas rectificacións:

Na páxina 470, segunda columna, disposición adicional terceira, segunda liña, onde di: «..., o importe que se cofinancie, serao unicamente polo importe de execución material destas,...», debe dicir: «... o importe que se cofinancie, serao polo do orzamento do proxecto destas,...».

MINISTERIO DE AGRICULTURA, PESCA E ALIMENTACIÓN

4206 *ORDE APA/646/2006, do 8 de marzo, pola que se amplía o prazo para a presentación das solicitudes no réxime de pagamento único e outros réximes de axuda directa á agricultura e á gandaría. («BOE» 58, do 9-3-2006.)*

O artigo 4.3 do Real decreto 1617/2005, do 30 de decembro, polo que se regula a concesión de dereitos aos

agricultores dentro do réxime de pagamento único, establece como datas para solicitar a admisión ao réxime de pagamento único no ano 2006 as da solicitude única.

O artigo 86 do Real decreto 1618/2005, do 30 de decembro, sobre a aplicación do réxime de pagamento único e outros réximes de axuda directa á agricultura e á gandaría, establece como data límite para a presentación da solicitude única o segundo venres de marzo de cada ano.

O ano 2006 é o primeiro en que se establece para España o réxime de pagamento único, e a presentación dun só documento para a solicitude dos dereitos de pagamento único e doutras axudas comunitarias, establecendo un sistema completamente distinto ao de anos anteriores, polo cal os agricultores e as comunidades autónomas están encontrando dificultades para cumprir en súas respectivas actuacións respecto a este novo réxime.

Por iso, diversas comunidades autónomas solicitaron a ampliación do prazo final para a presentación da solicitude única e a admisión ao réxime de pagamento único, o cal parece procedente neste ano.

Esta orde dítase de conformidade coa disposición derradeira segunda, letra b), do Real decreto 1618/2005, do 30 de decembro, pola que se habilita o ministro de Agricultura, Pesca e Alimentación para modificar as datas que se establecen nel.

Na tramitación desta orde consultáronse as comunidades autónomas e as entidades máis representativas do sector.

Na súa virtude, dispoño:

A presentación das solicitudes no réxime de pagamento único e outros réximes de axuda directa á agricultura e á gandaría, para o ano 2006, poderase realizar ata o día 28 de abril inclusive.

Madrid, 8 de marzo de 2006.

ESPINOSA MANGANA

4302 *ORDE APA/661/2006, do 3 de marzo, pola que se substitúe o anexo do Real decreto 1682/1997, do 7 de novembro, polo que se actualiza o Catálogo Oficial de Razas de Gando de España.* («BOE» 59, do 10-3-2006.)

Esta orde ten como obxecto substituír o anexo do Real decreto 1682/1997, do 7 de novembro, polo que se actualiza o Catálogo Oficial de Razas de Gando de España.

O anexo do Real decreto 1682/1997 recolle o Catálogo Oficial de Razas de Gando de España. Este anexo sufriu numerosas modificacións. Coa súa substitución preténdese incorporar, nun novo anexo, o catálogo con todas as modificacións, garantindo desta maneira a seguranza xurídica e, ademais, facilitando a consulta dos cidadáns.

Ademais de recompilar todas as modificacións publicadas, o catálogo que figura no anexo desta orde incorpora as últimas actualizacións aprobadas no Comité de Razas de Gando de España na súa reunión do 17 de xuño de 2005. Inclúense catro novas razas, as razas aviares euskal antzara e euskal oiloa, a raza porcina euskal txerria, e a raza equina marismeña, e modifícase a denominación da raza asnal mallorquina que pasa a chamarse raza asnal balear. Estas actualizacións foron propostas polas comunidades autónomas do País Vasco, Andalucía e Balears.

Esta orde dítase ao abeiro da disposición derradeira primeira do Real decreto 1682/1997, do 7 de novembro, polo que se actualiza o Catálogo Oficial de Razas de Gando de España, que faculta o ministro de Agricultura, Pesca e Alimentación, no ámbito das súas competencias,

para ditar as disposicións necesarias e adoptar as medidas precisas para o cumprimento do disposto no real decreto, así como para actualizar o seu anexo.

Na elaboración desta orde foron consultadas as comunidades autónomas, as entidades representativas do sector, así como entidades científicas en materia de reprodución, selección e xenética animal.

Na súa virtude, dispoño:

Artigo único. Substitución do anexo do Real decreto 1682/1997, do 7 de novembro, polo que se actualiza o Catálogo Oficial de Razas de Gando de España.

Substitúese o Catálogo Oficial de Razas de Gando de España contido no anexo do Real decreto 1682/1997, do 7 de novembro, polo que se actualiza o Catálogo Oficial de Razas de Gando de España, polo que figura no anexo desta orde.

Disposición derradeira segunda. *Entrada en vigor.*

Esta orde entrará en vigor o día seguinte ao da súa publicación no *Boletín Oficial del Estado*.

Madrid, 3 de marzo de 2006.

ESPINOSA MANGANA

«ANEXO

Catálogo Oficial de Razas de Gando de España

1. Razas autóctonas:

1.1 De fomento:

Especie bovina:

Asturiana de los valles, avileña negra ibérica, lidia, morucha, pirenaica, retinta e rubia galega.

Especie ovina:

Carranzana, castellana, churra, latxa, manchega, merina, navarra, ojinegra de Teruel, rasa aragonesa e seguraña.

Especie caprina:

Majorera, malagueña, murciana-granadina, palmera e tinerfeña.

Especie porcina:

Ibérica.

Especie equina:

Cabalar: española.

1.2 De protección especial:

Especie bovina:

Albera, alistana-sanabresa, asturiana de la montaña, avileña-negra ibérica (variedade bociblanca), berrenda en colorado, berrenda en negro, betizu, blanca cacereña, bruna de los Pirineos, cachena, caldelá, canaria, cárdena andaluza, frieiresa, limiá, mallorquina, marismeña, menorquina, monchina, murciana-levantina, negra andaluza, pajuna, palmera, sayaguesa, serrana negra, terreña tudanca e vianesa.

Especie ovina:

Alcarreña, ansotana, aranesa, canaria, canaria de pelo, carranzana (variedade negra), cartera, castellana (variedade negra), chamarita, churra lebrijana, churra tensina, colmenareña, galega, guirra, ibicenca, maellana, mallorquina, manchega (variedade negra), menorquina, merina (variedade negra), merina de Grazalema, mon-